

PROVINCIA VIENNENSIS, QUÆ ET VIENNENSIS PRIMA.

VIENNA Ptol. lib. 2. cap. 10. vulgò *Viennè*. Dicitur Galliæ Metropolis eximia cum Lugduno, apud Euseb. libro 5. Hist. Eccles. cap. 1. *Mamerti* Viennensis Episcopi meminit Greg. Turon. lib. 2. Hist. cap. 34. & *Verus* subscripsit Concilio Arelatensi primo.

GENEVA Cæsari lib. 1. de Bello Gallico, vulgò *Geneve*. Ex ejus Episcopis *Maximus* subscripsit Concilio Epaonensi, & *Pappulus* Aurelianensi quinto.

GRATIANOPOLIS Sidon. Apoll. lib. 3. Epist. 14. vulgò *Grenoble*. *Dominus* hujus Episcopus nominatur inter Episcopos Galliæ Legatos ad Concilium Aquileiense missos, & *Victorius* subscripsit Epaonensi.

CIVITAS ALBENSIIUM Notitiæ Provinciarum & Civitatum Galliæ sub Honorio factæ. Quibusdam creditur diruta, & ex ea sedes Episcopalis Vivariam urbem proximam translata: sed aliis eadem cum Vivaria, hisque favere videntur Notitia perantiqua Thuana, pluresque aliæ vetustæ, quibus sic legitur in descriptione Provinciæ Viennensis: *Civitas Albensium Vivaria*. *Venantius* Albensis Episcopus subscripsit Concilio Epaonensi, & postea idem vel alter *Venantius* Vivariensis Episcopus dicitur in Concilio Arvernensi.

VALENTIA Colonia Ptol. lib. 2. cap. 10. vulgò *Valence*. *Æmilianus* hujus Episc. subscripsit Concilio Valentino primo, & *Apollinaris* Epaonensi.

MAURIANA Notitiis antiquis Ecclesiasticis Galliæ, urbs in Valle ad Alpes Cottias, in qua civitas S. Joannis Maurianensis dicta, vulgò *S. Jean de Maurienne*. *Hiconius* Maurianensis Episcopus subscripsit Conciliis Matisconensi primo & secundo.

IN ALPIBUS GRAIIS, SEU PENNINIS.

DARANTASIA Anton. in Itiner. vulgò *La Tarantaise*. Ex ejus Episcopis *Sanctus* subscripsit Concilio Epaonensi, & *Martianus* Matisconensi I.

OCTODURUM Antonino ibid. vulgò *Martenach*. ¹ *Theodorus* hujus Episcopus nominatur in Concilio Aquileiensi sub Damaso.

² SEDUNUM Valesiorum civitas ad Rhodanum in Alpibus, vulgò *Syon* vel *Sitten en Valez*, in quam sedes Episcopalis ex Octoduro translata est, post annum quingentesimum quinquagesimum secundum. ³ *Rufus* Octodurensis Episcopus subscripsit Concilio Aurelianensi quinto, & *Heliodorus* Sedunensis Matisconensi secundo.

PROVINCIA TREVIRENSIS, IN BELGICA PRIMA.

AUGUSTA TRIVERORUM Ptol. lib. 2. cap. 9. vulgò *Trier*, & Gallis *Treves*: Galliæ Metropolis dicitur apud Theodoretum lib. 2. Hist. Eccles. cap. 15. qui *Paulinum* ejus Episcopum nominat, & Sozomenus *Maximum* seu

T 2

Maxi-

NOTÆ LUCE HOLSTENII.

¹ *Theodorus* hujus Ep. nomin. in Conc. Aquileiensi sub Damaso Constantius Epaonensi subscripsit anno Christi 517.

² *Sedunum* Theodorus adfuit conventui Aganensi sub Sigismundo Burgundionum Rege, in quo fundatum est celebre ejus loci Monasterium anno

Christi 515. ut habent Acta foundationis. Quæ si vera sunt, duo ejusdem nominis Episcopi ante Constantium ponendi.

³ *Rufus* Octod. Ep. subscr. Conc. Aurel. V. & *Heliod. Sedun. Matiscon. II.* Protasius Cabilonensi.